

UKARA KE TQSIN ISUA YE AKPATRE

UBIERIKPE

Eriyarare 20:1-15

QYQH QKPEP-NKPQ 465

Eke Mkpawara

IKQ IBUOT: “Ndien emen owo ekededi eke mikewetke enyiñ esie isin ke ñwed uwem eduok esin ke akwa mkpodiho ikañ” (Eriyarare 20:15).

Angel Ye Ñkpokobi

Nnyin ikot ibaña ikpo mme utibe-ñkpọ emi John okokutde ke ibuot-ñwed emi. Angel kiet okoto ke Heaven ọsuhore edi, akama ukpohore anana utit ukpe ye akwa ñkpokobi ke ubok esie. Ada ñkpokobi oro qbop Satan onyui otop enye esin ke anana-utit ukpe eberi abaha enye, onim ufik-ñkpọ ke esit, man enye okukeme ndiworo do tutu tosin isua ebe.

Ke mme ukpep-ñkpọ emi ekebede nnyin ima ikpep ibaña nte Satan okotoñode ndibiaña owo toto ke editoño ini. Enye ama anam Adam ye Eve edia mfri emi Abasi okotoñode mmọ ete ekudia ke Inwan Eden. Okoto ntut-utoñ oro, idiok-ñkpọ, udon, afanikon ye mkpa ebe eduk ke ofuri iso ison ke ñkpọ nte isua 6000 emi ebede.

Satan, “Akani Urukikot Oro”

Edi Satan odomo mme owo ete enam idiok-ñkpọ; edi enye anam mmọ eyik Abasi inyui iyakke enim Ikọ Esie ke akpanik; edi enye anam utom ke idem owo kiet kiet ndidomo ndida enye nsin ke hell ke akpatre. Ana anditiene-Christ ekededi otim ekpeme ukpon esie, koro asua esie ke odomo ndinam enye oduok erinyaña esie. Enye edi abiaña abiaña ye osu nsu. Yak nnyin ikukpan uton ino nsu esie. Odudu Abasi okpon onyui oson akan eke Satan, Enye ñko onyui ekeme ndikpeme nnyin man ikudu, edieke nnyin iyomde omum nnyin akama. “Owo eke akande eyeda ñkpọ emi enyene” (Eriyarare 21:7).

Otonode ke ini emi Satan akande Adam ye Eve, enye osuk ananam utom onyui aka iso akara uwem ediwak owo, oro edi ntak emi edioke ekan ke ukpere edem ini emi. Ukara ke mme idut ekponode Christ enim ñkan kiet enyui ewonode etiene “akani urukikot” emi ye odudu esie.

Ima ikpep ke ukpep-ñkpọ edem ite ke Christ ye mme Anditiene Christ eyewat ke mfa enañ-mbakara efiak edi ndikara nnyui nda ubon ke ison emi ke tosin isua. Emi edida itie ke ufot ini Akwa Ukut ye akpatre akwa Afia Ebekpo ubierikpe. Emi edidi ke ini dragon, “akani uruk-ikot emi edide Andidiok, kpa Satan emi edibopde ye ñkpokobi etop esin ke edituño ukpe ndien emem eyedu ke ison ke tosin isua.

Ukara Ke Tosin Isua

Emi edidi ini emem ke ini Christ ama “anam ekon etre tutu osim ke utit ekondo” (Psalm 46:9). Mme idut emi eduñde ke ison edu ke enwan toto ke editoño, edi etin mi eno nnyin ete ke ini ukara ke tosin isua “mmọ eyeda ofut mmọ edom ñkpọ ufuñ ison, eda eduat mmọ edom ikwa udiñ vine; idut idimenke ofut itiene idut, mmọ idinyui ikpeke aba ekon” (Isaiah 2:4; Zechariah 9:10). Ke utọ ini oro kpukpru owo edidu ke idak ukara Christ ndien udon ekededi ididuhe aba. “Enyin eyenwaña mme nnan, uton eyenyui esirere mbon inan. Ndien mbuño eyenek nte edop, edeme imum eyenyui okwo” (Isaiah 35:5, 6).

Kpukpru ñkpọ ediyeye onyui enyene uyai ke ini ukara emem ye inemesit oro. Ediwak idim ye nsehe eyedu ke akpa-utatan ye mkpodiho-mmōñ ke itie nsat-ison. Mme ndioi unam eyekabare edu ke emem enyui ena suñ suñ. Uruk-ikot ye anawuri-ekpe ye ekpe, uman enañ ye edi-ikot, eyeta mbiet otọ kiet idinamke idiok. Etin eno nnyin ete ke ekpe emi ekpemeded udi esie onyui owotde ñkpri unam eken eyenyui ata nnyanyaña nte enañ. Idem nsek ndito ye ndito owoñ eyedu otọ kiet ye ndioi unam edi idinamke mmọ idiok.

Mme okwok iditopke owo, rose idinyeneke ñkukim ndikim nnyin nuen ubok. Ñkukim eto idiwaike ubok nnyin inyui iwakke ofon nnyin. Mme nnan eyekut usuñ, mme inan eyekop ikọ ndien mme imum eyetin ikọ. Ñkpọ ndomo kiet idibiatke ñkpọ “ke ofuri edisana obot mi, uyo Jehovah edi emi” (Isaiah 65:25). Nnyin ikot ntem ibaña Jerusalem ete, “ndito-iren ye ndito-iban eyenyui eyohọ ke anwa obio emi, ke ebre mbre ke anwa esie” (Zechariah 8:5).

Akwa Mkpòdìhò Ikañ

Ndien ke ini oro ama ekebe, eyekpòhòre Satan ke mkpòkòbì esie ke editiò ukpe eyak, ndien enye eyedomo ndiñwana akamba ekòñ efen. Edi eyeduòk enye ke mkpòdìhò ikañ eke asakde ye brimstone emi ekesinde unam oro ye mme anditiñ ntiñ-nnim ikò nsu, eyenyuñ etuhòre mmò okoneyo ye uwemeyo ke nsi nsi. Nnyin imòfiòk ite ke unam oro idighe owo efen ke mibòhòke Asua-Christ. (Se Ukpep-Ñkpò 413).

Akwa Afia Ebekpo Ubierikpe

Ke oro ama ekebe John ama okut akwa Afia Ebekpo, enye onyuñ okut mme owo emi ekekpañade nte edade ke iso Abasi enyuñ ekanade ebekpo man ekpe ikpe mmò. Enye ama okut nte ekibòrede mme ñwed, ye Ñwed Uwem enyuñ eda se ewetde esin ke mme ñwed oro ekpe ikpe enò mme owo. Mme udi ema ekibòre ndien idem mmò oro ekekpañade ke uwem idiòk-ñkpò ke ediwak isua emi ebede, toto nte ekebot ererimbot, ye mme mmò oro uwem mmò eketakde ke inyañ, mme mmò oro ikañ akatade enyuñ esobode, ema eset enyuñ eda ke iso ebekpo man ekpe ikpe mmò. Ndien eduòk kpukpru mmò oro mikwe enyin mmò ke Ñwed Uwem ke akwa mkpòdìhò ikañ emi ekeduòkde Satan ye Asua-Christ, man etuhòre mmò uwemeyo ye okoneyo ke nsinsi.

Enyiñ Nnyin Ke Ñwed Uwem

Akpan ñkpò eke nnyin inyenede ndinam mfin emi edi ndikut nte ke ewet enyiñ nnyin ke Ñwed Uwem. Edieke munyeneke erinyaña ukpòñ, di bine Jesus mfin, kpe Enye ubòk efen ke mme idiòk-ñkpò fo; nyuñ neñere ukwañ usuñ eke eduède mmò efen. Ke ini òfiòkde ete ke Jesus ama anyaña ukpòñ fo, beñe Enye edinam asana ye iberedem Edisana Spirit. Ndien tiene Jesus ke edem; bòn akam nyuñ kot Ikò Abasi, kut ete ke isioho enyiñ fo ifep ke Ñwed Uwem.

Uwem, Me Mkpa

Usuñ nsinsi uwem, ye usuñ nsinsi ufen ye mkpa edu nnyin ke iso. Ñwed Abasi mòdo ònò nnyin mfin emi, ndien imekeme ndikot nto enye usuñ nte nnyin ikemedede ndidu uwem ke usen ke usen man idi kiet ke otu mmò oro ewetde enyiñ ke Ñwed Uwem. Eyekut ete ke ufañ ñwed 12 ye 13 etiñ ònò nnyin ete ke mme owo emi ekedade ke iso ebekpo ema ebò ubierikpe nte “ekemde ye se mmò ekenamde.” Didie ke akpana nte nnyin itiñ enyin idu uwem! Akpana nnyiñ ikpeme uwem nnyin ye ikò nnyin man nnyin ikuyat Jehovah esit ke ñkpò ekededí. Usuñ ubòhò ididuhe ke usen oro ke ini ñkpri ye ikpò, mbon inyene ye ubuene edidade ke iso akwa Afia Ebekpo ye Enye emi etiede do.

MME MBUME

- 1 Ke ewe enyiñ efen ke ediòhò Satan?
- 2 Ekekòbì enye esin ke anana-utit ukpe ebighi adaña didie?
- 3 Tiñ nte ñkpò editiede ke isòñ ke utò ini oro?
- 4 Anie edikara isòñ emi ke tòsin isua?
- 5 Mme anie edida ke iso Abasi ke ini akwa Afia Ebekpo Ubierikpe?
- 6 Ekeda nso ñkpò ebere ikpe enò mme owo?
- 7 Nso utò ufen ke edinò mmò eke miwetke enyiñ mmò ke Ñwed Uwem?
- 8 Nso utip ke edinò mmò eke ewetde enyiñ mmò ke Ñwed Uwem?